



Gemeinsam Äntwert vun der Madamm Gesondheetsministesch an vum Här Minister fir d'sozial Sécherheet op d'parlamentaresch Fro n° 5386 vum 14. Dezember 2021 vum honorablen Deputéierten Jeff Engelen.

1) Kann d'Regierung eng Tabell presentéieren, déi regruppéiert wéi d'Zuel vun de Spidols- an Intensivbetter, der Bevëlkerung an de Leit mat enger lëtzebuergescher Matricule sech am Zäitraum vun 1990-2020 iwwer d'Joren entwéckelt huet a wéivill Awunner a Leit mat enger Lëtzebuergescher Matricule sech all Joers op ee Spidols- an een Intensivbett verdeelt hunn?

Zuel vun de Spidolsbetter

- **Entwécklung vun den autoriséierten Better vun 1993 bis 2018**

Den folgenden Tableau gëtt déi autoriséiert Zuel vun Better un, esou wéi se an deenen verschiddenen groussherzoglechen Reglementer zum Spidolsplang iwwer déi lescht Jorzéngten festgeluegt ginn sinn.

	1993	1995	2000	2005	2009	2018
Akut Spidolsbetter (lits aigus)	3 023	2 756	2 516	2 307	2 312	2 233
Better mat enger duerchschnëttlecher Behandlungsdauer (lits moyens séjours)	24	24	86	514	518	807 ¹
Total	3 047	2 780	2 602	2 821	2 830	3 040

Quellen: Règlement grand-ducal du 30 mai 1994 établissant le plan hospitalier national / Règlement grand-ducal du 18 avril 2001 établissant le plan hospitalier national / Règlement grand-ducal du 13 mars 2009 établissant le plan hospitalier national / Loi du 8 mars 2018 relative aux établissements hospitaliers et à la planification hospitalière.

Zu den akut Better gehéieren d'intensiv Spidolsbetter (soins intensifs), déi normal Spidolsbetter (soins normaux) an d'Better vun der akuter Psychiatrie (psychiatrie aigue). Zu de Better mat enger duerchschnëttlecher Behandlungsdauer gehéieren d'Rééducation gériatrique an d'Rééducation fonctionnelle esou wéi déi net akut Psychiatrie (psychiatrie non aigue).

¹ Inklusiv 87 Better mat enger langer Behandlungsdauer (lits de longue durée).



- **Entwécklung vun de budgetiséierte Spidolsbetter vun 2005 bis 2020**

Den nächsten Tableau gëtt d'Zuel vun de budgetiséierte Better an de Klinicken un. Dëst sinn d'Better déi am Kader vun der Fixatioun vun der Enveloppe budgétaire globale vun de Spideeler vun der CNS zeréckbehale goufen

	2005	2010	2015	2020
Spidolsbetter (gesamt)	2 691	2 721	2 746	2 657
<i>Normal Spidolsbetter</i>		2 457	2 245	1 896
<i>Intensiv Spidolsbetter</i>		159	159	159
<i>Better mat enger duerchschnëttlecher Behandlungsdauer</i>		105	342	602

Quell: CNS.

- **Entwécklung vun der versécherter Bevëlkerung vun 1995 bis 2020²**

	1995	2000	2005	2010	2015	2020
Versécherter Bevëlkerung	464 588	535 424	607 917	699 539	793 044	896 548
dovun Résidents	387 862	418 182	444 783	478 720	526 513	578 426

Quell: CCSS/IGSS.

Déi versécherter Bevëlkerung ass tëschent 1995 an 2020 em knapp 93% geklommen oder em 2,8% an der Moyenne pro Joer. D'Résidents sinn zur selwechter Zäit em 49% geklommen.

- **Entwécklung vun der versécherter Bevëlkerung relativ zu de Better**

Versécherter Bevëlkerung

	2005	2010	2015	2020
Spidolsbetter	442,7	389,0	346,3	296,4
<i>Normal Spidolsbett</i>		351,2	283,1	211,5
<i>Intensiv Spidolsbett</i>		22,7	20,0	17,7
<i>Bett mat duerchschnëttlecher Behandlungsdauer</i>		15,0	43,1	67,1

Quell: Rechnung IGSS.

² Moyenne pro Joer vun der Situatioun um Enn vun all Mount.



Verséchéert Résidents

	2005	2010	2015	2020
Spidolsbetter	605,0	568,4	521,5	459,3
<i>Normal Spidolsbett</i>		513,2	426,4	327,8
<i>Intensiv Spidolsbett</i>		33,2	30,2	27,5
<i>Bett mat duerchschnëttlecher Behandlungsdauer</i>		21,9	65,0	104,1

Quell: Rechnung IGSS.

Während déi verséchéert Bevëlkerung geklommen ass, ass d'Unzuel vun de Better virun 2005 zréck gaangen an ass säitdem konstant bliwwen. D'Bettenzuel ass deemno relativ zur Bevëlkerung gefall.

2) Kann d'Regierung déi aktuell Zuel vun de Spidols- an Intensivbetter hei am Land, déi duerchschnëttlech Betribskäschte vu sou engem Intensivbett, sou wéid'Zesummesetzung vun deene Käschte matdeelen?

Aktuell ginn et 2 669 budgetéiert Spidolsbetter hei am Land, dovunner sinn 145 intensiv Better (Fro 1).

Déi reell Käschten déi hei presentéiert gi bezéien sech op déi 4 Centres hospitaliers CHdN, CHEM, CHL an HRS am Joer 2020. Variabel Käschte variéiere mat der Aktivitéit, fix Käschte variéieren net mat der Aktivitéit vun den Kliniken. Sie setzen sech zesummen aus der fixer Consommation (Energiekäschten), Personalkäschten, Amortissement, extern Chargen (Kontrakter) a Finanzkäschten (Zësen) etc. an ginn pro Méint vun der CNS un d'Klinike bezuelt. Indirekt Käschte si Käschten déi ob ee Service Support (Apdikt, Informatique, Sterilisatioun, Administratioun, etc.) comptabiliséiert ginn an dann ob Basis vu Schlësselen, déi d'Klinike mat der CNS festgeluecht hunn, ob déi komplett Aktivitéit verdeelt ginn.



Reell Käschten vun engem intensiv Bett am Joer 2020

Total	1.935,2 €	
Variabel Käschten	293,8 €	15,2%
Consommation an Fournituren (Medicaments, implants, prothèses etc.)	258,4 €	13,4%
Indirekt Käschten	35,4 €	1,8%
Fix Käschten	1.641,4 €	84,8%
Personal Käschten	1.113,2 €	57,5%
Fix Consommation (Energie)	45,8 €	2,4%
Indirekt Käschten	482,5 €	24,9%

Quell: CNS/Rechnung IGSS

Déi reell Käschte vun engem intensiv Bett belafen sech am Joer 2020 ob 1 935€ pro Journée (pro Dag wou d'Bett beluegt wor). D'Personalkäschte maachen eleng méi wéi 50% vun de Käschte vun engem Bett aus. Consommation a Fournituren, dat sinn am Fall vun engem intensiv Bett virun allem Medikaments a Blutkonserven awer och Gebrauchsmaterialien ewéi Händschen a Sprützen, maache bal 258€ oder 13% vun de Käschte vun engem intensiv Bett aus. An dëse Käschten ass den Amortissement³ net mat gerechent ginn.

3) Kann d'Regierung déi duerchschnëttlech Akafskäschte vu engem Spidols- souwéi engem Intensivbett presentéieren? Wéi vill Spidols- an Intensivbetten si säit dem Ufank vun der COVID-Krise nei dobäikomm? Wéi eng Erweiderunge sinn aktuell geplangt?

De Präis vun engem Bett fir *soins normaux* kascht 6.000 Euro a fir *soins intensifs* 19.000 Euro. Dozou kommen niewent den néidege Surfacen och Peripherieequipmenter bei 20.000 Euro respektiv 120.000 Euro zousätzlech zu dem Aménagement vun dem Réseau vu gaz médicaux duerstellen. Am Spidolsgesetz ass duerch d'Gesetz vum 29.10.20 am Artikel 4 virgesinn dass bei Bedarf Reservebetten kënnen ugefrot an autoriséiert ginn. Dat war bis elo net néideg.

³ D'Investitiounen ginn zum Deel vun der CNS finanziert an lafen zum Deel iwwer den Budget vum Staat. D'Konditiounen ënner deenen den Staat sech an der Héicht vun 80% un den Investitiounen bedeelegt sinn am Artikel 15 vum Gesetz vum 8 Mäerz iwwer d'établissements hospitaliers an der planification hospitalière präziséiert. An den Zuelen ass keen Amortissement berücksichtegt ginn.



4) Wier d'Regierung am Sënn vun der Fro virdu bereet, en automateschen Upassungsmechanismus vun der Zuel vun de Spidols- an Intensivbetter op Basis vun der Bevëlkerungs- an der Zuel vun de Leit mat enger lëtzebuergescher Matricule op de Wee ze bréngen? Wann net, firwat net?

D'Upassung vun der Zuel vu Better gëtt decidéiert a Fonktioun vun de Sanitäre Besoinen déi duerch den Observatoire de la Santé festgestallt ginn.

5) Verfügen d'Lëtzebuergger Spideeler iwwert déi néideg ekonomesch Fräiheet a Flexibilitéit, fir d'Zuel vun de Better am Fall vun Zousazbedarf kuerzfristeg upassenze kënnen? Wann net, firwat net? Wéi gedenkt d'Regierung deem Problemgegebenenfalls duerch administrativ Vereinfachungen entgéint ze wirken?

Wéi an der Äntwert 3 geschriwwen gëtt et Dispositiounen am Spidolsgesetz fir zousätzlech Better unzufroen.

6) Kann d'Regierung elaboréieren, wéi déi an de Froen dräi a véier genannte Käschten, de finanzielle Follge vum Lockdown op de Staatsbudget, d'Bruttoinlandsprodukt, souwéi deenen doduerch am Gesondheits- a Fleegeberäich nei entstane Käschten an der Analyse vun der Regierung géinteneen ofgewiegt sinn?

Wéi beschriwwen si keng Better ugefrot ginn.

Lëtzebuerg, den 18. Januar 2022

D'Gesondheitsministesch

(s.) Paulette Lenert